

Henti tular gambar suspek juvenil

BANTING - Orang ramai diingatkan supaya menghentikan penulisan butiran laporan polis berserta gambar suspek kes tikam guru sekolah dalam aplikasi media sosial seperti WhatsApp, Telegram dan Facebook.

Pengerusi Pasukan Kebajikan Kanak-Kanak Daerah Kuala Langat dan Ahli Panel Penasihat Mahkamah Kanak-Kanak Telok Datok, Jefrizal Mohd Jaafar berkata, suspek ialah seorang kanak-kanak di bawah umur 18 tahun seperti takrifan Akta Kanak-Kanak Pindaan 2018 dan sentiasa tertakluk kepada prosedur mahkamah terutama Mahkamah Juvana.

"Ini bermakna kanak-kanak ini adalah terlindung hak-haknya demi masa hadapannya yang masih panjang.

"Justeru, sekali lagi saya memohon agar warga netizen dapat menghentikan segera penulisan butiran dan gambar kanak-kanak ini dan meletakkan tanggungjawab ini kepada pihak berkenaan seperti Polis Diraja Malaysia, Mahkamah Juvana dan Jabatan Kebajikan Masyarakat," katanya dalam satu kenyataan di sini semalam.

Beliau menegaskan, penyebaran butiran kanak-kanak ber-

**KES PELAJAR
TIKAM GURU**

Tikam guru kerana dendam

Pelajar
tingkatan lima
direman
lima hari

MUHAMMAD HASNAN
RAMLI

BANTING

Gara-gara dendam dan mengalusi tekanan dalam pelajaran, seorang pelajar tingkatan lima terpaksa menikam guru kaunselingnya dalam kejadian di sebuah sekolah di Sungai Manggis di sini kelmarin.

Kejadian itu berlaku di bilik perbincangan warden sekolah berkenaan kira-kira jam 8.20 malam.

Ketua Polis Daerah Kuala Langat, Superintendan Azizan Tukiman berkata, pelajar berusia 17 tahun ini



Seorang guru memuatkan rawatan akibat diikat di la-
bedahan yang berlaku di sebuah bilik warden sekolah
Manggis, Banting kelmarin.

Laporan Sinar Harian semalam.

kenaan juga boleh dianggap satu kesalahan dan tertakluk kepada peruntukan akta yang berkaitan dengannya.

Semalam, *Sinar Harian* melaporkan polis menahan reman suspek yang juga seorang pelajar tingkatan lima sebuah sekolah di Sungai Manggis di sini selama lima hari bermula semalam.

Kejadian pada Ahad lalu dilaporkan berlaku di bilik pembantu warden sekolah berkenaan kira-kira jam 8.20 malam.

Mangsa, Muhammad Hasnan Salim berusia dalam lingkungan 30-an dilaporkan stabil selepas menjalani pembedahan di Hospital Tengku Ampuan Rahimah, Klang.

Padah buang kulit durian

Peniaga buah berdepan hukuman denda, kenderaan disita

NUR FARHANA ABDUL MANAN

JENJAROM

Seorang peniaga buah bakal berdepan hukuman denda maksimum RM1,000 selain kenderaan miliknya disita selepas dicekup membuang kulit durian di tepi Jalan SP1, Bandar Saujana Putra di sini malam Isnin lalu.

Yang Dipertua Majlis Daerah Kuala Langat (MDKL), Mohamad Zain A Hamid berkata, perbuatan tidak bertanggungjawab itu berjaya dihidu anggota Penguatkuasa MDKL Cawangan Bandar Saujana Putra yang melakukan intipan bermula jam 8 malam.

Menurutnya, anggota pengu-



Dua peniaga dicekup Penguatkuasa MDKL ketika sedang membuang kulit durian di tepi jalan di Bandar Saujana Putra Isnin lalu.

at kuasa menahan dua lelaki menaiki sebuah kenderaan pelbagai guna (MPV) jenis Nissan Serena itu ketika kedua-duanya leka membuang sisa kulit durian di tepi jalan itu pada jam 12.40 malam.

"Hasil soal siasat mendapati mereka menjalankan peniagaan durian di kawasan berhampiran tanpa kebenaran MDKL. "Bagi kesalahan tersebut, peniaga ini dikenakan notis kesalahan di bawah Undang-Undang Kecil (4), Undang-Undang Kecil Pemungutan, Pembuangan Dan Pelupusan Sampah Sarap, Majlis Daerah Kuala Langat 2007," katanya.

Mohamad Zain berkata, barangan jualan dan kenderaan peniaga terbabit disita di bawah Undang-Undang Kecil (21) (1), Undang-Undang Kecil Pemungutan, Pelupusan dan Pelupusan Sampah-sarap, Majlis Daerah Kuala Langat 2007.

Katanya, peniaga terbabit bo-

leh dikenakan denda sebanyak RM2,000 dan MDKL sedang mengkaji untuk mengambil tindakan mahkamah seterusnya.

"Kami kecewa dengan sikap tamak dan rakus peniaga mengaut keuntungan tanpa memikirkan cara menangani isu pelupusan sampah dengan betul.

"Perbuatan terbabit (membuang sampah haram) menyumbang kepada wujudnya lokasi sampah haram dengan lebih berleluasa.

"Justeru, MDKL sentiasa menggerakkan anggota penguat kuasa setiap hari bagi membuat pemantauan dan berharap kerja sama orang ramai menyalurkan maklumat mengenai aktiviti sampah haram," katanya.

Beliau berkata, MDKL telah menyediakan tapak peniagaan di Jalan SP1, SP4 dan SP8, Bandar Saujana Putra bagi peniaga yang ingin menjalankan peniagaan buah bermusim.

Katanya, peniaga hendaklah terlebih dahulu membuat permohonan permit bagi menjalankan peniagaan tersebut.